

# Ժողովուրդ

31  
(2881)

7 մարտի հինգշաբթի 2024  
տպագրության ԺԳ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ԿՓՈՒՎԻ ՀԱՅԿԱԿԱՆ ԶԻՆՎԱԾ ՈՒԺԵՐԻ ՀԱՄԱԶԳԵՍՏԸ



Բոլոր փորձագետների կանխատեսմամբ՝ Հայաստանի գլխին կախված է պատերազմի վտանգը, եւ իշխանությունները, պատերազմին պատրաստվելու փոխարեն, առավել լուրջ գործով են զբաղված. պատրաստվում են փոխել ՀՀ զինված ուժերի ծառայողների համազգեստի ձևը:

«Ժողովուրդ» օրաթերթը տեղեկացավ, որ ՀՀ պաշտպանության նախարարությունը Եվրոպայի, ավելի կոնկրետ՝ Ֆրանսիայի հետ ծավալվող եւ նոր զարգացող հարաբերությունների շրջանակում փորձում է, որպես ռազմական աջակցություն, փոխել հայոց բանակի զինծառայողների համազգեստը:

Պատճառն այն է, որ երկար ժամանակ է, ինչ ՊԲ համազգեստները չեն փոխվել, եւ դրանք դարձել են հեշտ հասանելի յուրաքանչյուրի համար: Պաշտպանության բանակի համազգեստի փոփոխման համար ներդրվելու է Ֆրանսիական մոդելը, որը, ըստ որոշ լուրերի, նման չի լինելու նախկին համազգեստին եւ՝ արտաքսնապես, եւ՝ որակապես:

«Ժողովուրդ» օրաթերթը հարցումով դիմեց Պաշտպանության նախարարությանը՝ տեղեկանալու համար, թե ինչ է քննարկվում ՊՆ համազգեստների փոփոխման վերաբերյալ Ֆրանսիական կողմի հետ, եւ ինչ գործընթացներ են իրականացվել:

Պաշտպանության նախարարությունից մեզ պատասխանել են.


«Դեռեւս շարունակվում են գործընկեր երկրների դաշտային համազգեստների ուսումնասիրման աշխատանքները: Ուսումնասիրման արդյունքում ընտրված նմուշի ձեռք բերման նպատակով օրենքով սահմանված ընթացակարգով կհայտարարվի մրցույթ: Մրցույթի արդյունքում կնքված պայմանագրերին կից ժամանակացույցով մատակարարվելիք խմբաքանակներից հնարավոր կլինի հատկացնել ՀՀ ԶՈՒ անձնակազմին»:

Ստացվում է, որ նպատակը կա, սակայն վերջնարդյունքը հեռու ապագայում դեռ հորիզոնում չի երեւում:

Նիկոլ Փաշինյանի եւ ԶՊ-ականների փակ հանդիպումները սերիալներով են տեղի ունենում: «Ժողովուրդ» օրաթերթը տեղեկացավ, որ այսօր կրկին վարչապետն ու նախարարները գնալու են խորհրդարան՝ իշխանական թեմի պատգամավորների հետ փակ հանդիպման: Սա վերջին օրերին ԶՊ-ականների եւ Նիկոլ Փաշինյանի արդեն երրորդ հանդիպումն է: Իսկ ի՞նչ են քննարկում իշխանականները ինտենսիվ այս հանդիպումների ժամանակ: Մեր աղբյուրների փոխանցմամբ՝ այս օրերին ԶՊ-ում օրակարգային թեման Եվրամիության անդամության թեկնածու դառնալն է, ու վարչապետի հետ հանդիպումների ժամանակ այս հարցն են քննարկում: Նախօրեին ԱԺ քարտուղար Արմեն Գրիգորյանի հետ հանդիպման օրակարգում եւս այս հարցն է եղել: Մեր տեղեկություններով՝ ԵՄ անդամության թեկնածու դառնալու գործընթացի հիմնական կուրստորը հենց ԱԺ քարտուղարն է լինելու: Ինչպես մեր աղբյուրներն են փոխանցում, Նիկոլ Փաշինյանը մտադիր է շատ արագ ավարտին հասցնել այս հարցը, ուստի չի բացառվում, որ սեղմ ժամկետում Հայաստանը Եվրամիության անդամության թեկնածու դառնալու հայտ ներկայացնի: Իսկ թե այդ հերթում ինչքան կապասի, դժվար է ասել:



Հայաստանյան քաղաքական պլատֆորմում նոր համագործակցություններ են սպասվում դաշինքների ֆորմատով: Այսպիսով, ավագանու անդամի մանդատից զրկվելուց հետո Երեւանի նախկին քաղաքապետ Հայկ Մարությանը հայտարարեց, որ պատրաստվում է իր սեփական կուսակցությունը հիմնել, որպեսզի մասնակցի ԱԺ հերթական կամ, ըստ զարգացումների, նաեւ արտահերթ ընտրություններին: «Ժողովուրդ» օրաթերթի տեղեկություններով՝ Հայկ Մարությանին է պատրաստվում միանալ «Ապրելու երկիր» կուսակցության համահիմնադիր Մեսրոպ Առաքելյանը: Այսինքն՝ նոր ընտրությունների դեպքում Հայկ Մարությանի եւ Մեսրոպ Առաքելյանի թիմերը մտադիր են հանդես գալ միասնաբար՝ որպես դաշինք: Տեղեկությունը փորձեցինք ճշտել անձամբ Մեսրոպ Առաքելյանից. վերջինս ասաց, որ Հայկ Մարությանի հետ լավ հարաբերություններ ունի, բայց քաղաքական համագործակցության հարց նրա հետ չի քննարկել: Հարցին՝ բացառում է արդյոք համագործակցությունը Մարությանի հետ, Մեսրոպ Առաքելյանն ասաց, որ որեւէ ուժի հետ համագործակցության մասով քննարկում չի եղել:



Ռատավորները մնացել են անպաշտպան, բոլոր կողմերից «կրակում» ու ճնշում են, որի հետեւանքով շատերը, չդիմանալով իրավիճակին, դիմում են գրում, հեռանում: Երեկ, Բարձրագույն դատական խորհրդի որոշմամբ, սեփական դիմումի հիման վրա՝ դադարել են Վերաքննիչ քրեական դատարանի դատավոր Կարեն Մարդանյանի եւ Վճռաբեկ դատարանի հակակոռուպցիոն պալատի դատավոր Սերգեյ Մարաբյանի լիազորությունները: Դրանից առաջ Արշակ Վարդանյանը, սեփական դիմումի համաձայն, ավարտեց դատավորի կարիերան: «Ժողովուրդ» օրաթերթի տեղեկությունների համաձայն՝ հաջորդ դատավորը, որը աշխատանքից ազատման դիմում կգրի սեփական նախաձեռնությամբ եւ կհեռանա դատական համակարգից, Արագածոտնի մարզի դատավոր Անդրանիկ Մնացականյանն է: Ավելին՝ լուրեր կան, որ, բացի ազատումից, նրա նկատմամբ այլ գործընթացներ կսկսվեն: Ի՞նչ է կատարվում դատական համակարգում. ArmLur.am-ին հասած տեղեկությունների համաձայն՝ ուշագրավ գրագրություն է ի հայտ եկել, որտեղ վերոնշյալ դատավորները իրենց խմբում կոնկրետ իշխանության ղեկավար անձանց մասով հայտնաբերված են արել, ու դատավորներից մեկն այդ գրագրությունը հասցրել է քաղաքական իշխանություններին, ինչից հետո էլ հայտնաբերված գրած դատավորներին ստիպում են ազատման դիմումներ գրել սեփական նախաձեռնությամբ ու հեռանալ համակարգից: Ըստ մամուլում տարածված տեղեկությունների՝ գրագրությունը քաղաքական իշխանություններին հասցրել է ՀՀ վերաքննիչ քրեական դատարանի դատավոր Ռուբին Մխիթարյանը, որն իշխանությունների «սրտի» դատավորն է, ու ամեն գնով ցանկանում են նրան տանել ԲԴԽ՝ որպես դատավոր անդամ: Իսկ ինչո՞վ է զբաղված ՀՀ բարձրագույն դատական խորհուրդը՝ ի դեմս նախագահ Կարեն Անդրեասյանի: ՀՀ սահմանադրական օրենքի համաձայն՝ Բարձրագույն դատական խորհուրդն անկախ պետական մարմին է, որը Սահմանադրությամբ եւ օրենսգրքով սահմանված լիազորություններն իրականացնելու միջոցով երաշխավորում է դատարանների եւ դատավորների անկախությունը: Սակայն, իրականում Կարեն Անդրեասյանը ոչ թե պաշտպանում է դատավորների անկախությունը, այլ հենց նա է տարբեր ճանապարհով դատավորներին ճնշողներից մեկը:



ԶՐՈՒՅՑ

# «Ո՛Չ ՆԵՐՍՈՒՄ ԸՆԿԵՐՆԵՐ ՈՒՆԵՆ, Ո՛Չ ԵՐԿԻՑ ԳՈՒՐՄ»

**Մարտինի քաղաքում բնակիչները կրկին բողոքի ակցիա են իրականացնում. այս անգամ ոչ թե խողանի հարկերն են դասճառը, այլ կարսոֆիլի բեքի իրացումը:**

ArmLur.am-ը գրուցել է Ազգային ժողովի «Պատիվ ունեն» խմբակցության պատգամավոր Թագուհի Թովմասյանի հետ՝ փորձելով սահմանել՝ ովքեր են թերացել այս խնդրի հարցում:

Պատգամավորի հետ քննարկել ենք կարտոֆիլի բեքի իրացման խնդիրների պատասխանատուների վարքը եւ պատասխանատուների եւ գերատեսչությունների միջև 6 ամիս տեւող բանակցությունների անարդյունավետությունը:

**Տիկին Թովմասյան, որպես Գեղարքունիքի մարզը ներկայացնող պատգամավոր, կիսնորեմ մանրամասնել, թե նման խնդիրները մարզում ինչից են առաջացել, որն է սկզբնաղբյուրը խնդիրների:**

«Ուզում եմ ասել, որ նորություն չէ, որ ՀՀ իշխանությունները կառավարման համակարգի լրջագույն խնդիրներ ունեն եւ տկարություն են ցուցաբերում, ու մարդկանց ցատումը հերթական դրսեւորումներից մեկն է: Կհիշե՞ք՝ մի քանի օր առաջ ես հարցում էի ուղարկել տարածքային կառավարման նախարարին եւ պահանջել էի ինձ հստակ տեղեկություն տալ՝ ինչու չեն կարողանում Գեղարքունիքի մարզի բնակիչները իրացնել տարվա իրենց կարտոֆիլի բեքը: Պատասխան էի ստացել, որ իրենք աշխատում են էկոնոմիկայի նախարարության հետ, Գեղարքունիքի մարզպետարանի հետ, եւ այդ աշխատանքները, ըստ հարցման պատասխանի, սկսվել են հոկտեմբերից, այսինքն՝ հոկտեմբերից մինչեւ մարտ պետական բոլոր կառույցները, որոնք պատասխանատու են, աշխատում են, բայց արդյունք չկա. բա ի՞նչ էք աշխատում այդքան ամիս:»

**«Ի՞նչ մի խնդիր այդպես էլ չի՞ լուծվում:**

«Այո, չի լուծվում կառավարման տկարության պատճառով: Նայեք, Մարտինի քաղաքում, Վարդենիսում եւ, ընդհանրապես, մարզում, նաեւ Ծիրակի մարզում ամենաառատ մշակաբույսը կարտոֆիլն է: Տարիներ առաջ շուկան եղել է հայկականը, Վրաստանը, Ռուսաստանը եւ Արցախը. հիմա Արցախը չկա, Ռուսաստանի հետ հարաբերությունները խայտառակ լարված են, Վրաստանի հետ չգիտեմ ինչ վիճակ է, արդյունքում ունենք այն, որ քաղաքացիների կարտոֆիլը տոնաներով մնացել է իրենց պահեստներում, նեխում է. ամբողջ տարի մարդիկ վարկ են վերցրել, լրջագույն ծախսեր են արել, եւ թվում



եղ՝ բեքի հարցը պիտի ինքնաբերաբար լուծվեր: Եթե ինքնաբերաբար չի լուծվում, պետությունը պիտի միջոցներ ձեռնարկի, պիտի պետությունը պատվիրակի: Ստացվում է, որ գյուղացին ցանում է կարտոֆիլը, հավաքում է, եւ, օրինակ, երեւանյան սուպերմարկետներում թանկ գնե՞րով անհայտ ծագման կարտոֆիլ է վաճառվում: Այսինքն՝ չկա ընդհանրապես կանոնակարգում, եւ չկա որեւէ աջակցություն հայ գյուղացուն: Պատճառը նաեւ այն է, որ Հայաստանում չկա գյուղնախարարություն: Նախկինում կար Գյուղատնտեսության նախարարություն, որ քիչ թե շատ գյուղացիների հարցերով զբաղվում էր, հիմա այդ նախարարությունը տարել ինչ-որ կերպ տեղավորել են Տարածքային կառավարման նախարարության մեջ, ու այդպես էլ պատասխանատու չկա, որ գնաս ասես՝ եղբայր, դու պատասխանատու ես, մարդկանց կարտոֆիլը մնացել է իրենց բակերում. լավ, ի՞նչ էք դուք մտածում, ինչքան պիտի մարդկանց անտե-

սեք. բա Հայաստանի հպարտ քաղաքացիներն են...

**«Դուք նշեցիք, որ խնդիրը դեռ հոկտեմբեր ամսից էր սկսվել, երբ իրացման խնդիր էր դրված: Մինչեւ այսօր կարտոֆիլը դեռ չի իրացվել, նեխում է՝ հասցնելով վնաս նաեւ երկրի տնտեսությանը: Ինչո՞ւ կառավարությունը չի կարողանում այդպես էլ լուծել այս համեմատաբար փոքր խնդիրը, որ ունենք հանրապետությունում:**

«Ես նորից պիտի շեշտեմ կառավարման անկարողությունը. օրինակ՝ ես չեմ պատկերացնում, որ մեր երկրում հիմա կա պաշտոնյա, որ կկառդանա գանգել, օրինակ, որեւէ երկրի իր պաշտոնակցին, խնդրել, որ, գիտե՞ք, մենք այսքան տոնաբերք ունենք, կարո՞ղ էք օգնել իրացնել (ինչպես եղել է ավանդաբար նախկինում): Դա ամոթ բան չէ, նորմալ փոխհարաբերություն է երկրների միջեւ: Այս մարդիկ ո՞չ ներսում ընկերներ ունեն, ո՞չ երկրից դուրս ընկերներ ունեն:

*Զրուցեց ՔՐԻՍՏԻՆԱ ՄՈՒՇԵՂՅԱՆԸ*



## ՀԱՅ-ՄԼՈՎԵՆԱԿԱՆ ԵՐԿԽՈՍՈՒԹՅՈՒՆ

Հայաստանի Հանրապետության արտաքին գործերի նախարարի տեղակալ Պարույր Հովհաննիսյանը մարտի 6-ին ընդունել է Հայաստանում Սլովենիայի Հանրապետության դեսպան Մատեյա Պրեվլիչեկին՝ հավատարմագրերի պատճենի հանձնման կապակցությամբ:

Շնորհավորելով դեսպանին նշանակման առթիվ՝ ԱԳ նախարարի տեղակալը վստահություն է հայտնել, որ նա իր առաքելության ընթացքում կգործադրի առավելագույն ջանքեր՝ երկու երկրների միջև հարաբերությունների հետագա զարգացման ուղղությամբ:

Հանդիպման ընթացքում գրուցակիցները քննարկել են հայ-սլովենական քաղաքական երկխոսության խորացմանը, ինչպես նաեւ միջազգային կազմակերպություններում համագործակցությանն առնչվող հարցեր: Անդրադարձ է կատարվել ԵՄ-ի հետ Հայաստանի գործընկերության շրջանակներում իրականացվող քայլերին:

Արտաքին գործերի նախարարի տեղակալ Պարույր Հովհաննիսյանը գրուցակցին է ներկայացրել Հայաստանի Հանրապետության կառավարության կողմից մշակված «Խաղաղության խաչմերուկ» ծրագիրը եւ Հայաստանի ու Ադրբեյջանի միջև հարաբերությունների կարգավորման գործընթացի վերջին զարգացումները: Ընդգծվել է ԵՄ դիտորդական առաքելության տեղակայման կարեւորությունը Հայաստանի ինքնիշխան տարածքի նկատմամբ նոր ոտնձգությունները զսպելու համատեքստում:

## ՀԵՌԱՆՈՍԱԶՐՈՒՅՑ

Ռուսաստանի Դաշնության արտաքին գործերի նախարարությունը հայտարարություն է տարածել՝ մանրամասներ ներկայացնելով նախօրեին տեղի ունեցած Ռուսաստանի Դաշնության արտաքին գործերի նախարար Սերգեյ Լավրովի և ՀՀ արտաքին գործերի նախարար Արարատ Միրզոյանի հեռախոսազրույցից:

«Արտաքին քաղաքական գերատեսչությունների ղեկավարները քննարկել են երկկողմ եւ տարածաշրջանային օրակարգի արդիական հարցերը, այդ թվում՝ հայ-ադրբեյջանական կարգավորման գործընթացը, ինչպես նաեւ փոխգործակցությունն ընդհանուր ինտեգրացիոն միավորումների շրջանակում», - նշված է գերատեսչության հաղորդագրությունում:

Ավելի վաղ Հայաստանի արտաքին գործերի նախարարությունը հայտնել էր, որ ռուսական կողմի նախաձեռնությամբ մարտի 5-ին տեղի է ունեցել հեռախոսազրույց Հայաստանի Հանրապետության արտաքին գործերի նախարար Արարատ Միրզոյանի եւ Ռուսաստանի Դաշնության ԱԳ նախարար Սերգեյ Լավրովի միջև:

ՀՀ ԱԳՆ հաղորդագրության համաձայն՝ գրուցակիցները քննարկել են երկկողմ եւ տարածաշրջանային վերաբերող հարցեր:

## «ԼՈՒՍԱՎՈՐ ՀԱՅԱՍՏԱՆ»

# ԿԵՍԿՈՒՄԱԿՑԱԿԱՆԸ՝ ՊԵՏԱԿԱՆ ՊԱՇՏՈՆՈՒՄ

**«Ժողովուրդ» օրաթերթը գրել էր, որ հասուկ հանձնարարություններով դեսպան Էդմոն Մարուխյանի հրաժարականը եւ դրան նախորդող իրադարձությունները նոր կրիեր են կուսակից «Լուսավոր Հայաստան»-ում: Ուսագրավ է նաեւ, որ հասուկ հանձնարարություններով դեսպան Էդմոն Մարուխյանը օրերս հրաժարական սվեց, սակայն նրա քիմակիցը՝ «Լուսավոր Հայաստան» կուսակցության անդամ, ԱԺ նախկին դասգամավոր Սրբուհի Գրիգորյանը դեռ շարունակում է դեսպան աղաքառում դաճեցնել գրադեղները:**

Այսպիսով, այն բանից հետո, երբ 2021թ.-ի ԱԺ արտահերթ ընտրություններ

ի արդյունքում ԼՀԿ-ն չանցավ խորհրդարան, ԼՀԿ անդամ Սրբուհի Գրիգորյանը պաշտոնի անցավ պետական ապարատում. 2022թ.-ի մարտից Աշխատանքի եւ սոցիալական հարցերի նախարարության ենթակայության տակ գտնվող միասնական սոցիալական ծառայությունում առանձին գործառնություններ համակարգող խորհրդակցական պաշտոնն է զբաղեցնում:

ArmLur.am-ը երեկ զանգահարեց Սրբուհի Գրիգորյանին՝ պարզելու՝ արդյոք իր կուսակցական ղեկավարի՝ Էդմոն Մարուխյանի հրաժարականից հետո ինքը ես պատրաստվում է հրաժարվել պետական պաշտոնից:

«Ես իմ մասնագիտական աշխատանքն եմ անում. չեմ կարծում, որ կուսակցությու-

նում ընդգրկված լինելու համար կամ կուսակցության անդամը որեւէ պաշտոնից դուրս է եկել, դա պատճառ չէ, որ աշխատանքից ազատվես: Ես հիմա էլ կուսակցության անդամ եմ, բայց ինչ ընդունվել եմ աշխատանքի, կուսակցական ակտիվ գործունեություն չեմ ծավալում», - ասաց նա:

Այլ հարցերի Սրբուհի Գրիգորյանը հրաժարվեց պատասխանել՝ պատճառաբանելով, որ պետական պաշտոնը թույլ չի տալիս. «Քաղաքական հարցազրույց չեմ կարող տալ. ես պայմանագիր ունեմ, որ չեմ կարող հարցազրույցներ տալ՝ առհասարակ կուսակցական եւ քաղաքական հարցերի հետ կապված»:

*Ք. ՄՈՒՇԵՂՅԱՆ*



ԻՐԱՎԱԿԱՆ

ՎԱՐՈՒՅՑ

ՔՐԵԱԿԱՆ ԵՆԹԱՄՇԱԿՈՒՅԹԻ ԴԵՄ

Ավարտվել է ֆրեական աստիճանակարգության բարձրագույն կարգավիճակ ունեցող երկու անձանց եւ նրանց կողմնակիցների կողմից Երեւան քաղաքի Գավիթ Բեկ փողոցին հարակից սարածում 2023թ. նոյեմբերի 17-ին կատարված միջադեպի առթիվ նախաձեռնված ֆրեական վարույթից անջատված մասի նախաքննությունը:



ՀՀ քննչական կոմիտեի հատկապես կարեւոր գործերով քննության գլխավոր վարչության ընդհանուր բնույթի եւ ընտրական հանցագործությունների քննության վարչությունում իրականացված քննչական եւ վարույթային մեծածավալ գործողությունների արդյունքում պարզվել է հիմնավորվել է, որ քրեական աստիճանակարգության բարձրագույն կարգավիճակ ունեցող անձի՝ Վ.Ա.-ի նկատմամբ Երեւան քաղաքի առաջին ատյանի ընդհանուր իրավասության քրեական դատարանում քննվող քրեական գործով, դատարանի որոշմամբ, որպես այլընտրանքային խափանման միջոցներ համակցությամբ կիրառվել էր գրավը եւ բացակայելու արգելքը:

Քաղաքի Գավիթ Բեկ փողոցին հարակից տարածքում բռնություն եւ անօրինական այլ գործողություններ են կատարել. փոխադարձ հարվածներ են հասցրել եւ քաջքշել միմյանց: Բացի այդ, պարզվել է, որ Վ.Ա.-ն եւ Ս.Շ.-ն ապօրինի կերպով ձեռք են բերել եւ պահել «տՄ» /Մակարով/ մոդելի ատրճանակ՝ փամփուշտներով՝ նախատեսված «ոՄ», «ԱոС», «Баикал 442» մոդելի ատրճանակից եւ համապատասխան տրամաչափի ակոսափող այլ զենքերից կրակելու համար, իսկ Վ.Ա.-ն՝ նաեւ առանձնապես խոշոր չափի՝ 1,38 գրամ քաշով «Մերամ-Ֆետամին» տեսակի թմրամիջոց, որոնք հայտնաբերվել են վերջինիս անձնական, ինչպես նաեւ ավտոմեքենայում կատարված խուզարկություններով: Ձեռք բերված բավարար փաստերի հիման վրա՝ քրեական աստիճանակարգության բարձրագույն կարգավիճակ ունեցող

անձին՝ Վ.Ա.-ին, մեղադրանք է ներկայացվել, նրա նկատմամբ որպես խափանման միջոց է կիրառվել կալանքը: Վերջինիս կողմից ղեկավարվող՝ քրեական ենթամշակույթ կրող խմբավորման մասնակից Ս.Շ.-ի նկատմամբ որպես այլընտրանքային խափանման միջոց է կիրառվել տնային կալանքը: Հիշյալ մեղադրյալների վերաբերյալ մասն անջատվել է առանձին վարույթ, նախաքննությունն ավարտվել է, եւ քրեական վարույթը՝ մեղադրական եզրակացությամբ, ուղարկվել է հսկող դատախազին՝ հաստատելու եւ դատարան ուղարկելու համար: Քրեական աստիճանակարգության բարձրագույն կարգավիճակ ունեցող մյուս անձի եւ նրա կողմնակիցների գործողություններին իրավական գնահատական տալու մասով նախաքննությունը շարունակվում է:

ԶՈՐ ԵՎ ՎԻՐԱՎՈՐՆԵՐ

ԱՎՏՈՎԹԱՐ ԳԵՂԱՐՔՈՒՆԻՔՈՒՄ

Մարտի 6-ին խոշոր ու ողբերգական ավտովթար է տեղի ունեցել Գեղարքունիքի մարզում: Ժամը 12:20-ի սահմաններում Վարդենիկ-Զուլաքար ավտոճանապարհի՝ Վարդենիկ գյուղի վարչական տարածքում բախվել են «BMW» եւ «Opel» մակնիշի ավտոմեքենաները:

Ինչպես դեպի վայրից հայտնում է ֆոտոլրագրող Գագիկ Շամշյանը, բախման հետեւանքով 6 հոգի տարբեր աստիճանի մարմնական վնասվածքներով տեղափոխվել են Մարտունու բժշկական կենտրոն:

Օպերատիվորեն դեպի վայր է ժամանել ՀՀ Ներքին գործերի նախարարության փրկարար ծառայության Մարտունու թիվ 33 հրշեջ-փրկարարական ջոկատից 1 մարտական հաշվարկ:

Ժամանել են նաեւ Հայաստանի Հանրապետության ՆԳՆ ոստիկանության պարեկային ծառայության Գեղարքունիքի մարզի գումարտակի 2-րդ վաշտի պարեկները՝ գումարտակի հրամանատար Ալբերտ Մարտիրոսյանի, գումարտակի հրամանատարի տեղակալ Իգոր Ղազարյանի, գումարտակի ծառայության ավագ տեսուչ Բակուր Սարիբեկյանի գլխավորությամբ:

Ժամանել են նաեւ ոստիկանության Մարտունու բաժնի օպերատիվ խումբը՝ բաժնի պետ Ստեփան Հակոբյանի գլխավորությամբ:

Վթարի մասին ոստիկանության Մարտունու բաժնից տեղեկությունը փոխանցել են Հայաստանի քննչական կոմիտեի Գեղարքունիքի մարզային քննչական վարչության Մարտունու քննչական բաժին, որտեղից ժամանել է քննչական խումբը՝ բաժնի պետի եւ օրվա պատասխանատու հերթապահ քննիչի գլխավորությամբ:

Մինչ ոստիկաններն ու պարեկները վթարի վայրը սահմանազատել եւ սպասում էին քննչական խմբին, հիվանդանոցից ոստիկանության Մարտունու բաժնի ահազանգ է ստացվել, որ վիրավորներից մեկը գիտակցության չգալով մահացել է:

Վթարի փաստով Մարտունու քննչական բաժնում նախաձեռնվել է քրեական վարույթ, որտեղ էլ պարզվում է վարորդների, մահացածի եւ վիրավորների ինքնությունը:

Գագիկ Շամշյանի տեղեկություններով՝ «Opel»-ի մեջ եղել են 5 հոգի, որոնք ընտանիքի անդամներ են, եւ մահացածը նշված ընտանիքի անդամներից մեկն է:

Քննիչի հանձնարարականով ավտոմեքենաները տեղափոխվել են ոստիկանության Մարտունու բաժնի պահպանվող հատուկ տարածք:

Ծանուցում. ենթադրյալ հանցանքի մեջ կասկածվողը կամ մեղադրվողը համարվում է անմեղ, քանի դեռ նրա մեղավորությունն ապացուցված չէ Հայաստանի Հանրապետության քրեական դատավարության օրենսգրքով սահմանված կարգով՝ դատարանի՝ օրինական ուժի մեջ մտած դատավճռով:

ԴԱՏԱԿԱՆ ՀԱՄԱԿԱՐԳ

ՀՐԱԺԱՐԱԿԱՆՆԵՐԸ ՇԱՐՈՒՆԱԿՎՈՒՄ ԵՆ

ՀՀ վերահսկիչ ֆրեական դասարանի դասավոր Մրցակ Վարդանյանի անակնկալ հրաժարականից հետո դասական համակարգում հրաժարականները բարունակվում են:



Երեկ, Բարձրագույն դատական խորհրդի որոշմամբ, սեփական դիմումի հիման վրա՝ դադարել են Վերաքննիչ քրեական դատարանի դատավոր Կարեն Մարդանյանի եւ Վճռաբեկ դատարանի հակակոռուպցիոն պալատի դատավոր Սերգեյ Մարաբայանի լիազորությունները:

Սյու մասին հայտնում են Բարձրագույն դատական խորհրդից՝ հավելելով, որ դատական օրենսգրքով նախատեսված կարգով՝ Սերգեյ Մարաբայանի լիազորությունները դադարում են նաեւ Դատավորների ընդհանուր ժողովի էթիկայի եւ կարգապահական հարցերի հանձնաժողովի նախագահի պաշտոնում: Հիշեցնենք, որ «Ժողովուրդ» օրաթերթը գրել էր, որ, մեզ հասած տեղեկությունների համաձայն, դատավոր Արշակ Վարդանյանի անակնկալ հրաժարականը նույնպես նախապատմություն է ունեցել: Դատական համակարգից մեզ հասած տեղեկությունների համաձայն՝ Արշակ Վարդանյանի հրաժարականին դեռ շատ գործընթացներ են հետեւելու, իսկ թե ինչ, դժվար չէ կանխատեսել: Իսկ ի՞նչ է կատարվում դատական համակարգում. ArmLur.am-ին հասած տեղեկությունների համաձայն՝ ուշագրավ գրագրություն է ի հայտ եկել, որտեղ վերոնշյալ դատավորները կոնկրետ անուններ են շոշափել, ու դատավորներից մեկը այդ գրագրությունը հասցրել է քաղաքա-

կան իշխանություններին, ինչից հետո էլ դատավորներին ազատման դիմում են գրում ու հեռանում համակարգից: Իսկ թե դատավորներից ով է դատական համակարգի ներքին խոսակցությունները հասցրել իշխանություններին ու դատավորներին փաստի առաջ կանգնեցրել, կինաւաք՝ հետեւելով մեր հրապարակումներին: ԵՍՍՐ ՄԱՆՈՒԿՅԱՆ

● Ըստ ոստիկանության տվյալների՝ մարտի 1-ից մարտի 4-ը Հայաստանի Հանրապետության ՆԳՆ ոստիկանության ստորաբաժանումները բացահայտել են հանցագործության 205 դեպք, որոնցից 4-ը՝ նախկինում կատարված:

ՍԱՐՁ

ԳՅՈՒՂԵՐ՝ ՎԵՐԱՀՄԱՆՈՒԹՅԱՆ ՏԱԿ

Նիկոլ Փաշինյանը կառավարության նիստում հայտարարել է, որ 31 ոչ անկալ հանդիսացող գյուղերի կենսական տարածքները գտնվում են աղբբեռնական օկուպացիայի տակ, սակայն Աղբբեռնը հրաժարվում է ճանաչել օկուպացիայի փաստը: Կառավարության ներկայացրել է վերոհիշյալ 31 բնակավայրերի ցանկը, սակայն այն թերի է: Մանրամասնելը Տավուշի մարզի օրինակով: Կառավարության ներկայացրած 31 գյուղերի թվում Տավուշի մարզից ներկայացված է 9 գյուղ, որոնք Բերդ եւ Իջեան խոշոր համայնքների սահմանամերձ բնակավայրեր են: Նոյեմբերյան խոշոր համայնքի այն գյուղերը, որոնց տարածքները գտնվում են Աղբբեռնի գիւնուծի վերահսկողության ներքո, կառավարության ներկայացրած 31 բնակավայրերի թվում չկան: Մինչդեռ, Նոյեմբերյան խոշոր համայնքի սահմանամերձ Կոթի գյուղի տարածքներից մոտ 1000 հեկտար հողեր շուրջ 30 տարի գտնվում են աղբբեռնական գիւնուծի վերահսկողության տակ կամ փաստացի չեզոք գոտի դարձած հատվածում: Նոյեմբերյան համայնքի Բարեկամական գյուղի վարելահողերի մի զգալի մասը աղբբեռնական գիւնուծի վերահսկողության տակ է: Նմանապես Բերդական, Դովեղի գյուղերից մեծ տարածքներ արդեն երեք տասնամյակ Աղբբեռնի գիւնուծի վերահսկողության ներքո են:

ՄԵՆԱԿՈՒՅԹԸ ՏԱՎՈՒՇՈՒՄ

Տավուշի մարզպետ Հայկ Ղալումյանի տեղեկատվական հարցում ենք արել՝ հարցնելով, թե 2024 թվականին Տավուշի մարզում պետական ֆինանսավորմամբ մշակութային ինչ միջոցառումներ են նախատեսված: Մարզպետարանից ստացված պատասխանում նշված է, որ ՀՀ պետական բյուջեի միջոցներով ընթացիկ տարում «Դիլիջանի Հովհաննես Շարամբեյանի անվան գեղարվեստի դպրոց» ՀՀԿԿ-ը կիրականացնի «Պարատոն» միջազգային մշակութային փառատոն, Իջեանի «Ավանդույթ» երաժշտական դպրոց» ՀՀԿԿ-ը կիրականացնի «Վարդավառ» զանգվածային միջոցառումը, «Կողբի գեղարվեստի դպրոց» ՀՀ-ն կիրականացնի երիտասարդ նկարիչների ցուցահանդես-փառատոն, «Բերդի մշակույթի կենտրոն» ՄՀԿ-ն կկազմակերպի միջհամայնքային մշակութային փառատոն: Ինչպես ակնհայտ է նախատեսված մշակութային միջոցառումների ցանկից, այս տարի նախատեսված է պետական ֆինանսավորմամբ մարզի 4 խոշոր համայնքներից յուրաքանչյուրում՝ Նոյեմբերյանում, Իենում, Բերդում, Դիլիջանում կազմակերպել մշակութային մեկական միջաջառում: Տավուշի մարզում պետությունից միջոցներով յուրատեսակ մշակութային համահարթեցում է կատարվելու:

ՈՍԿԱՆ ՍԱՐԳՍՅԱՆ Տավուշ

ՀՀ-ԵՄ

ԳՈՐԾԸՆԿԵՐՈՒԹՅԱՆ ՆՈՐ ՕՐԱԿԱՐԳ

Արդարադատության նախարար Գրիգոր Մինասյանը Բելգիայի Թագավորությունում հանդիպել է Եվրոպական հանձնաժողովի փոխնախագահ, Արժեքների եւ քաղաքացիության հարցերով հանձնակատար Վեռա Յուրովայի հետ:



Այս մասին հաղորդագրություն է տարածել ՀՀ արդարադատության նախարարությունը:

Գրիգոր Մինասյանը շնորհակալություն է հայտնել Եվրոպական միության կողմից արդարադատության ոլորտին տրամադրված զգալի աջակցության համար, որն ուղղված է ժողովրդավարության, մարդու իրավունքների երաշխավորման եւ օրենքի գերակայության վրա հիմնված կառուցակարգերի զարգացմանը: Նախարարը նաեւ բարձր է գնահատել Եվրոպական հանձնաժողովի հետ արդյունավետ համագործակցությունը եւ վերջիններիս Հայաստան իրականացրած փաստափայլաբան առաքելության այցը: Գրիգոր Մինասյանն ընդգծել է Հայաստանի հետ համագործակցությունն առավել խորացնելու ԵՄ հանձնառությունը եւ հավելել, որ Գործընկերության նոր օրակարգի ընդունումն արդարադատության ոլորտում առկա սերտ համագործակցության ընդլայնման կարեւոր խթան կհանդիսանա: Արդարադատության նախարարը նաեւ անդրադարձ է կատարել ՀՀ-ԵՄ գործընկերության խորհրդի արդյունքներով համատեղ հայտարարությանը, որով վերահաստատվել է մարդու իրավունքներին, օրենքի գերակայությանը եւ ժողովրդավարական սկզբունքներին, ատելության խոսքի եւ ապատեղեկատվության դեմ պայքարում ՀՀ-ԵՄ համատեղ հանձնառությունը: Գրիգոր Մինասյանը ներկայացրել է նաեւ դատախազության եւ մարդու իրավունքների պաշտպանության ոլորտի բարեփոխումները, անդրադարձել հակակոռուպցիոն ոլորտում ՀՀ առաջընթացին ու միջազգային ցուցանիշներում գրանցած հաջողություններին:

Կողմերը քննարկել են ապատեղեկատվության դեմ պայքարի ոլորտին ու զանգվածային լրատվամիջոցների գործունեության կարգավորմանն ուղղված օրենսդրական նախաձեռնությունները:

Գրիգոր Մինասյանը, անդրադառնալով զանգվածային լրատվության մասին օրենսդրության լրամշակման գործընթացին, մատնանշել է, որ նախագիծն ուղղված է նաեւ ՋԼՄ ինքնակարգավորման համակարգի ներդրմանը՝ Եվրոպական առաջադեմ փորձառությանը համապատասխան: Խոսելով մարդու իրավունքների պաշտպանության բարեփոխումների մասին՝ Գրիգոր Մինասյանը նշել է, որ Կառավարության համապարփակ քաղաքականությունն իրականացվում է նաեւ ՄԻՊ ազգային ռազմավարությունից բխող 2023-2025թթ. գործողությունների ծրագրի շրջանակներում: Այս համատեքստում անդրադարձ է կատարվել «Իրավահավասարության ապահովման մասին» եւ «Ազգային փոքրամասնությունների մասին» օրենքների նախագծերի մշակման գործընթացին՝ ընդգծելով, որ նախագծերը մշակվել են ներառական ու մասնակցային եղանակով՝ հասարակական կազմակերպությունների ակտիվ ներգրավմամբ: Նախարարը գործընկերոջն է ներկայացրել նաեւ միջազգային կոնվենցիոն մեխանիզմներին ՀՀ անդամակցության գործընթացներն ու վերջին զարգացումները:

Վեռա Յուրովայն բարձր է գնահատել մարդու իրավունքների պաշտպանության, դատախազական ու հակակոռուպցիոն ոլորտում Հայաստանի կառավարության եւ մասնավորապես Արդարադատության նախարարության ջանքերը: Նա կարելու է բարեփոխումների նախաձեռնություններն ու դրանց մշակման գործընթացների թափանցիկությունը եւ ներառականությունը: Խոսելով ՋԼՄ ոլորտի կատարելագործման եւ ապատեղեկատվության դեմ պայքարի անհրաժեշտությունից՝ Վեռա Յուրովայն անդրադարձել է Տեսալսողական մեդիայի կարգավորմանն ուղղված ԵՄ դիրեկտիվին եւ ընտրություններին ընդառաջ ապատեղեկատվության դեմ պայքարի վերաբերյալ անձամբ Հանձնակատարի կողմից իրականացվող քարոզարշին: Այս համատեքստում տիկին Յուրովայն ՀՀ-ին աջակցելու պատրաստակամություն է հայտնել՝ ԵՄ առկա գործիքակազմերի շրջանակներում:

Հանդիպման ավարտին կողմերը պայմանավորվել են շարունակել փոխգործակցությունը՝ ուղղված մարդու իրավունքների պաշտպանությանն ու խորվունքի գերակայության ապահովմանը, Եվրոպական լավագույն չափանիշներին համահունչ ՋԼՄ ոլորտի կատարելագործմանն ու ապատեղեկատվության դեմ պայքարին:

ՀԱՆԴԻՊԵԼ ԵՆ

ԱՐԴՅՈՒՆԱՎԵՏ ՀԱՄԱԳՈՐԾԱԿՅՈՒԹՅՈՒՆ

Հայաստանի Հանրապետության մարդու իրավունքների դպրոցի Անահիտ Մանասյանը Ստրասբուրգ կասարած աշխատանքային այցի ժամանակներում մարտի 5-ին հանդիպել է Եվրոպայի խորհրդի գլխավոր ֆուրսուզար Մարիա Պեյչինովիչ Բուրիչի հետ:

մարմինների անարգման, անդամախեղման եւ վատ վերաբերմունքի՝ միջազգային իրավունքով արգելված այլ դեպքերի մասին տեղեկություններ: Նշված տեղեկությունները ներառվել են Մարդու իրավունքների պաշտպանի արտահերթ զեկույցում, որը տեղեկությունների իսկությունն ապացուցող խորհրդապահական հատվածով պաշտպանի կողմից ներկայացվել է մարդու իրավունքների պաշտպանության մանդատ ունեցող միջազգային կազմակերպություններին եւ դերակատարներին:

նր, կենսաբաշխության ոլորտում մարդու իրավունքների պաշտպանության ծրագրի իրականացման մանրամասներին, այդ թվում՝ Օվիեդոյի կոնվենցիան Հայաստանի կողմից վավերացնելու հարցին:

Ինչպես տեղեկանում ենք ՀՀ ՄԻՊ-ի գրասենյակի տարածած հաղորդագրությունից, պաշտպանը ներկայացրել է Լեռնային Ղարաբաղից բռնի տեղահանված անձանց իրավունքների պաշտպանությանն առնչվող հարցեր, անդրադարձ կատարել անձամբ իր եւ աշխատակազմի կողմից իրականացված փաստափայլաբան աշխատանքներին, որոնց ընթացքում ստացվել են քաղաքացիական անձանց շրջանում մահվան, խոշտանգումների,

Հանդիպման ընթացքում, ի թիվս այլնի, Անահիտ Մանասյանն անդրադարձ է կատարել կանանց իրավունքների պաշտպանությանը, ընտանեկան բռնության կանխարգելմանը, Ստամբուլյան կոնվենցիան վավերացնելու անհրաժեշտությանը,

Պաշտպանը ներկայացրել է խտրականության, անհանդուրժողականության, ատելության խոսքի դեմ պայքարի, հավաքների ազատության իրավունքի եւ մի շարք այլ ոլորտներում իրականացվող աշխատանքները:

Հանդիպման ավարտին կողմերը բարձր են գնահատել մարդու իրավունքների պաշտպանության ոլորտում պաշտպանի աշխատակազմի եւ Եվրոպայի խորհրդի միջեւ ձեւավորված երկարամյա եւ արդյունավետ համագործակցության մակարդակը եւ նախանշել փոխգործակցությունն ընդլայնելու ուղղությունները:

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 37 պատահար. 53 մարդ ստացել է տարբեր աստիճանի մարմնական վնասվածքներ:



ՄՇԱԿՈՒՅԹ

ՎԱՐՎԵԼԱԿԵՐՊԻ ԿԱՆՈՆՆԵՐ

ՄԵՂԱՆԻ ՇՈՒՐՔ ՆՍՏԵԼՈՒ ՄՇԱԿՈՒՅԹ

Մնվելը կյանքի կենսական դաժան է, որը մարդուն բույլ է ապա էներգիա հավաքել և աղբյուր, սակայն դեմք է նկատի առնել, որ սնվելը միայն գործողություն չէ...

Պետք է դրանք ճիշտ կիրառել հանդիպումների, երեկոյանների և հյուրասիրությունների ընթացքում: Ցանկացած վայր ներկայանալիս նախ պետք է չուշանալ կամ պահպանել առավելագույնը 15 րոպե ուշանալու կանոնը: Երբ նստած եք սեղանի շուրջ, ապա հիշեք, որ պետք է լինել զուսպ, ուտելու ընթացքում ծամել բերանը...



պետք է բռնել բաժակի պոչից, քանի որ ձեռքի տաքությունից խմիչքը կարող է տաքանալ: Երբ գրուցի ընթացքում գինու բաժակը տղամարդու ձեռքում է, ապա այն պետք է ցածր լինի կնոջ գինու բաժակից: Սեղանի շուրջ նստելիս անձնական իրերը՝ հեռախոս, բանալի, դրամապանակ, չի կարելի դնել սեղանի վրա: Ձեռքերը սեղանին հենելիս պետք է արմունկները սեղանից ցածր պահել և հեռախոսով չզբաղվել: Երբ սնվելիս ավարտում եք սնվելու համար նախատեսված պարագաները պետք է դնել ամանի մեջ: Ռեստորանում նախաճաշելիս, ճաշելիս կամ ընթրիչի ժամանակ սնունդը պետք է ցածր պահել և հեռախոսով չզբաղվել: Երբ սնվելիս ավարտում եք սնվելու համար նախատեսված պարագաները պետք է դնել ամանի մեջ: Ռեստորանում...

ՀՐԱՊԱՐԱԿԱՅԻՆ ԾԱՆՈՒԹՈՒՄ

«Բիսնես» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրացմամբ), այսուհետև՝ «հոլանդական» (գնի նվազեցմամբ) եղանակներով: Աճուրդի ընթացքում վաճառվելու են «Արդշինբանկ» ՓԲԸ-ի (այսուհետ՝ բանկ) գրավի իրավունքով պատկանող հետևյալ լոտերը: 1. Երեւան, Աջափնյակ, Սիլիկյան թաղամաս, 5-րդ փողոց, թիվ 1/4 հասցեում գտնվող 83.47 ք.մ. բնակելի տուն և 0.022 հա հողամաս: Լոտի մեկնարկային գինը՝ 15400000 ՀՀ դրամ: 2. Արագածոտնի մարզ, համայնք Ապարան, Ապարան ք., Ա. Հարությունյան փողոց, 46 հասցեում գտնվող 99.39 ք.մ. բնակելի տուն, 34.47 ք.մ. անասնաշենք, 2.85 ք.մ. կաթսայատուն և 0.08 հա հողամաս: Լոտի մեկնարկային գինը՝ 15650000 ՀՀ դրամ: 3. Երեւան, Քանաքեռ-Զեյթուն, Ռուբինյան փողոց, 4 շենք, 22 հասցեում գտնվող 57.5 ք.մ. բնակարան: Լոտի մեկնարկային գինը՝ 33970000 ՀՀ դրամ: Լոտերի նկատմամբ սահմանափակումները՝ գույքերը գրավարկված են: Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 25.03.2024թ.-ին, Ժ. 12:00-ին դասական եղանակով, այսուհետև՝ յուրաքանչյուր աշխատանքային օր, նույն վայրում, նույն ժամին՝ հոլանդական եղանակով: Աճուրդի ավարտը՝ 25.04.2024թ.-ին: Աճուրդի մասնակցության նախավճարը սահմանված է համապատասխան գույքի ընդհանուր մեկնարկային գնի 1%-ի չափով, որի վճարման...

վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «Բի-ԷսԹի» ՍՊԸ-ի դրամարկումով աճուրդի կայացման հասցեում, ՀՀ օրենսդրությամբ սահմանված կանխիկի շեմը չզերպակցելու դեպքում, կամ բանկային հաշվին («Արդշինբանկ» ՓԲԸ-ում 2470103374150000 հաշվառմամբ) կամ կազմակերպիչ կողմից տրված այլ հաշվառմամբ: Աճուրդի մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ և Կազմակերպիչ կողմից տրված մասնակցի վկայական (այսուհետ՝ աճուրդի վկայական), որը հաստատելու է նաև նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ և աճուրդի վկայական: Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակիցը, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդի մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը հրաժարվում է ստորագրել արձա-

նում նախաճաշելիս, ճաշելիս կամ ընթրիչի պատվիրեք այնքան սնունդ, որքան կարող եք սպառել: սնունդը սեղանին թողնելու ու դուրս գալը ճիշտ չէ: չէ՞ որ աշխարհում բազմաթիվ մարդիկ ցամաք հացի խնդիր ունեն: Բացի այդ, դուք այդպիսով անարգում եք սնվելը, սեղանից կոկիկ հեռացեք: Վեր կենալիս տղամարդը պիտի հիշի, որ կարող է կանգնել միայն այն ժամանակ, երբ կինն արդեն ավարտել է վեր է կացել տեղից: 30/01/2024 ՄԱՐԴԱՍՍՈՐՅԱՆ

ՄԱՐԶԱԿԱՆ

ՀԱՂԹԱՆԱԿՈՎ ՄԵԿՆԱՐԿԵՑ

Հայաստանը ներկայացնող բնցքամարտիկները շարունակում են ելույթները օլիմպիական վարկանիշային մրցաշարում: 71 կգ քաշային Գուրգեն Մադոյանը հաղթանակով մեկնարկեց Իտալիայում ընթացող օլիմպիական վարկանիշային մրցաշարում: Հայ բնցքամարտիկը գերազանցեց մոլորվացի Վասիլի Տեբոտարիին: Մարտի 6-ին իրենց առաջին մենամարտերը կանցկացնեն Ռուդոլֆ Գարբոյանն ու Դավիթ Չալոյանը: Գարբոյանի մրցակիցը Սինգապուրի ներկայացուցիչ Խուան Տեո Վինն է, իսկ Չալոյանը կփորձի հաղթահարել կանադացի Ալեքսիս Բարիեռիի արգելքը: Ավելի վաղ ռինգ էին դուրս եկել 57 կգ քաշային Արթուր Բազեյանն ու 80 կգ քաշային Ռաֆայել Գովհաննիսյանը: Երկու բնցքամարտիկներն էլ գրագետ մենամարտ են անցկացրել ու 5:0 հաշվով հաղթել իրենց մրցակիցներին: Բազեյանն առավելության էր հասել շվեյցարացի Սեյֆեդին Լետալիֆի նկատմամբ, իսկ Գովհաննիսյանն ուժեղ էր Կանադան ներկայացնող Կեյն Բեստեջուրիից:

ՖՈՒՏԲՈՒԱՅԻՆ ԱՌՕՐՅԱ

Ֆուտբոլի Չեմպիոնների լիգայում կայացան 1/8 եզրափակիչի պատասխան հանդիպումները: Ֆրանսիական ՊՍԺ-ն, արտագնա խաղում մրցելով «Ռեալ Սոսյեդադ»-ի հետ, առավելության հասավ Կիլիան Մբապեի դուբլի շնորհիվ, իսկ իսպանական ակումբից գոլը խփեց Մերինոն՝ «Ռեալ Սոսյեդադ»-ՊՍԺ՝ 1:2: Օրվա մյուս խաղում «Բավարիա»-ն երեք անպատասխան գնդակ ուղարկեց «Լացիո»-ի դարպասը: Գերմանական ակումբից դուբլի հեղինակ դարձավ Հարի Քեյնը և մեկ գոլ էլ խփեց Թոմաս Մյուլլերը: «Բավարիա»-«Լացիո»՝ 3:0: ՊՍԺ-ն և «Բավարիա»-ն շարունակում են պայքարը Չեմպիոնների լիգայում: Չեմպիոնների լիգայի 1/8 եզրափակիչում մարտի 6-ին կկայանան «Ռեալ»-«Լայպցիգ», «Մանչեսթեր Սիթի»-«Կոպենհագեն» հանդիպումները:

ՊԱՏՎԻՐԱԿ Է ՆՇԱՆԱԿՎԵԼ

ՈՒԵՖԱ-ում Հայաստանի ֆուտբոլի ֆեդերացիան ներկայացնող պատվիրակների թիվն ավելացել է եւս մեկով: Այս մասին գրում է Հայաստանի ֆուտբոլի ֆեդերացիան: ՈՒԵՖԱ Եվրոպա լիգայի 1/8 եզրափակիչ փուլի մարտի 7-ին Չեխիայի մայրաքաղաք Պրահայի «Լետնա» մարզադաշտում կայանալիք «Սպարտա Պրահա»-«Լիվերպոլ» հանդիպման ՈՒԵՖԱ-ի մեդիա պատվիրակ (UEFA Venue Media Manager) է նշանակվել ՀՀ-ի հասարակայնության հետ կապերի և լրատվության բաժնի պետ, ՀՀ-ի մամուլի քարտուղար Հայկ Կարապետյանը:

●Մարտի 26-ին «Արամ Խաչատրյան» համերգասրահում տեղի կունենա «Սամվել Երվինյան. 50 տարի ջութակի հետ» համերգը: Տոմսերի արժեքը՝ 3000-20000 դրամ: Սկիզբը՝ ժամը 19:30-ին:



**ՀԱՇՄԱՆԴԱՍՈՒԹՅՈՒՆ**

**ՀԱՐՑ.** Հաճանդամ երեխային կամ 1-ին խմբի հաճանդամին խնամելու ժամանակաշրջանը հաճավա՞վում է աշխատանքային ստաժում: Եվ կցանկանայի նաև տեղեկանալ՝ երեխային խնամելու ժամանակահատվածը ինչպե՞ս է հաճավա՞վում աշխատանքային ստաժում:

Երանուհի Հակոբյան (32 տարեկան)



**ՊԱՏԱՍԽԱՆ.**

Ե. Հակոբյանի հարցին ի պատասխան՝ տեղեկացնում ենք, որ անհրաժեշտ աշխատանքային ստաժի առկայության դեպքում հաշմանդամ երեխայի խնամակալության ժամանակաշրջանը մինչև երեխայի 18 տարին լրանալը կամ առաջին խմբի հաշմանդամին խնամելու ժամանակաշրջանը հաշվառվում է ծնողի, որդեգրողի, խնամակալի աշխատանքային ստաժում, եթե նա ունի խնամարկյալի հաշմանդամության ժամանակահատվածը հաստատող տեղեկանք, իսկ խնամակալի դեպքում՝ նաև խնամակալ ճանաչված լինելու եւ խնամակալության ժամանակահատվածի մասին տեղեկանքներ, սակայն տասը տարուց ոչ ավելի՝ մինչև կենսաթոշակ նշանակելը ընկած ժամանակահատվածում:

Սահմանված աշխատանքային ստաժի առկայության դեպքում աշխատանքային ստաժում հաշվառվում են նաև ծնողներից մեկի՝ մինչև յուրաքանչյուր երեխայի երկու տարին լրանալը երեխային խնամելու ժամանակահատվածը՝ վեց տարուց ոչ ավելի: Մեկ օրացուցային տարվա համար չի կարող հաշվարկվել մեկ տարուց ավելի աշխատանքային ստաժ՝ բացառությամբ սույն օրենքով սահմանված դեպքերի:

**Կենսաթոշակային համակարգի իրազեկման կենտրոն**

**«ԺՈՂՎՈՒՐԳ».**

Կենսաթոշակի չափը հաշվարկելիս (վերահաշվարկելիս) աշխատանքային ստաժի հանրագումարի մեջ (տարի, ամիս, օր) մինչև 6 ամսվա (180 օրվա) ժամանակահատվածը չի հաշվառվում, իսկ 6 ամսվանից ավելի ժամանակահատվածը հաշվառվում է որպես մեկ տարվա ստաժ:

Էջը՝ ՄԱՐԻԱՄ ԴԱՆԻԵԼՅԱՆԻ

**ԿՎՐԳ**

**ՀԱՐՑ.** Հետաքրքիր է իմանալ՝ եթե ՀԿ-ն ֆիզիկական անձին կրթաթուղթ է տալիս, արդյո՞ք եկամտային հարկի դադարակրություն առաջանում է, թե ոչ: Մանվել Սիրադեղյան (52 տարեկան)



**ՊԱՏԱՍԽԱՆ.**

Հայտնում ենք, որ «Եկամտային հարկի մասին» Հայաստանի Հանրապետության օրենքի 6-րդ հոդվածի 1-ին մասի 18 կետի համաձայն՝ նվազեցվող եկամուտներ են համարվում բարձրագույն ուսումնական հաստատությունների ուսանողներին, ասպիրանտներին, միջնակարգ-մասնագիտական ու պրոֆեսիոնալ-տեխնիկական ուսումնական հաստատությունների սովորողներին, հոգեւոր ուսումնական հաստատությունների ունկնդիրներին պետության կողմից վճարված կրթաթոշակները, ինչպես նաև այն կրթաթոշակները, որոնք նրանց համար նշանակվում են այդ ուսումնական հաստատությունները կամ նշված հոդվածի 1-ին մասի 14-րդ եւ 15-րդ կետերում նշված կազմակերպությունները:

**ՀՀ պետական եկամուտների կոմիտե**

**«ԺՈՂՎՈՒՐԳ».**

Այսինքն՝ ՀԿ-ի կողմից ֆիզիկական անձին նշանակված կրթաթոշակը նվազեցվող եկամուտ է հանդիսանում, եւ եկամտային հարկի պարտավորություն չի առաջանում:

**ԼՈՒՐ ԿԱԴՐ**

Լուսանկարը՝ համացանցից



Ռ-ը ում տղամարդը 5-րդ հարկում գտնվող բնակարան ծի է բերել՝ կնոջը Մարտի 8-ի առթիվ շնորհավորելու համար:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
Բաժանորդագրվելու  
համար կարող եք դիմել

«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

**ԱՌԱՋԱՐԿ**

**հայկական տպագիր մամուլից**


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

**ԵՂԱՆԱԿԻ ՏԵՍՈՒԹՅՈՒՆ**



Շիրակ	-9 - 12 + 4 + 9	Արարատ	-4 - 7 +11 + 13
Կոտայքի լեռներ	-8 - 12 + 5 + 8	Արմավիր	-4 - 8 +10 + 13
Կոտայքի նախալեռներ	-5 - 8 + 8 + 10	Վայոց ձորի լեռներ	-3 - 7 + 3 + 6
Գեղարքունիք	-8 - 13 + 3 + 6	Վայոց ձորի նախալեռներ	-3 - 7 +10 + 12
Լոռի	-6 - 10 + 8 + 10	Սյունիքի հովիտներ	-4 - 7 +11 + 14
Տավուշ	-4 - 7 + 8 + 11	Սյունիքի նախալեռներ	-9 - 13 + 7 + 10
Արագածոտնի լեռներ	-8 - 12 + 3 + 6	ԼՂՀ	-9 - 10 + 7 + 9
Արագածոտնի նախալեռներ	-5 - 7 + 8 + 11	Երեւան	1 - 3 + 8 + 10

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22՝/3, հեռ.՝ 010 54-64-23  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության 6.3.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
 խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: